

古跡

周

吾邑縣治南北多先賢遺跡北有文學橋子游巷墨井言子橋景言巷又有孔子巷在景言巷西疑子游祀孔子處今南門之內舊傳為闕里坊則因子游而以義起也先賢治武城有弦歌之化吾邑舊名琴川以水凡七派自南門內以至炳靈公廟北而止亦名七弦今湮其大半又有儀墓及焦尾溪雁足在虞山東故老猶能道之不知歷千百歲又

海虞別乘

古跡

北之淑照堂叢書

何若也自記

莫城即干將莫邪鑄劍之所有莫耶廟劍池舊志

石城吳越春秋云夫差興樂石城相傳吳王擇虞山

北麓以石甃城為游樂之所故名

梧桐園在吳宮本吳王夫差舊園也一名鳴琴川古

詩有梧宮秋吳王愁述異記

三恪按吳郡志唐武德七年移縣于今治即古

琴川

鹿園相傳吳王養鹿之所在縣西北鄉舊志

扈城在石城東南。世傳吳王游樂石城。又建離宮。扈
蹕。故名扈城。遺址如崇岡。下有扈城村。舊志

東晉

雙鳳鄉。成帝咸和六年。天竺沙門支遁之梅李。訪瞿
硯先生。見東南有五色氣。卓錫記之。黎明。令畊者
屬之。土皆五色。中有石函二。龜化為雙鳳而去。因
以名鄉。舊志

縣東迎恩橋有雙井。在市廛。民居填咽。日下萬綆不
竭。予嘗見井邊有大石柱。高丈五。鐫唐咸通九年。

海虞別乘

古跡

九十六

勅賜破山寺鐘一口。舊志謂重一千三百六十斤。
不知何因而標置於此。今井与石皆湮。實之土石。
近年漸議興復。予謂千年古蹟。理宜濬。以便民。若
能倣杭城金魚井之制。則堅固而永久矣。三恪又
按今興福崇教東塢寺。即破山下院。向傳迎恩橋
以東皆寺中地。宜其有此石云。